

Yesu a Taruxune

Doxode 5

Taruxuni ito kelixi

Ningila kui

Publié par la Mission Protestante MCA

République de la Guinée

Janvier 2025

Les images sont de © Global Recordings (GNR)


Et de


© Bible Visuals International

Avec permission

Kisin Kiraan Kitabuna Text

© Traducteurs Pionniers de la Bible





Yudasi donseen nasuxina, Setana yi so
a yi sa! Yesu yi a fala a xa, a naxa,
“I naxan ligama, na liga mafuren.”

Yesu naxan fala a xa, bonna naxanye yi
dɔxi e dɛgedeni, ne sese mi yi na
famunxi. Bayo Yudasi nan yi e gbetin
marama, ndee yengi yi lu a ma, a Yesu
bata a fala a xa, a xa sa sena ndee sara
sanla fe ra. Hanma a xa sa sena nde so
yiiigelitɔne yii.

Yudasi yi na donseen nasuxu, a mini
na sa! Kɔɛɛn nan yi a ra.

Yesu So Fena


Yerusalɛn Taani

Matiyu 21.1-17; 26.6-16


Maraka 11.1-10, 15-19; 14.3-11

Luka 19.28-40, 45-48; 22.3-6

Yoni 12.12-19



© GRN




© Bible Visuals International

Yesu yelin e sanne maxe waxatin naxa yi,
a yi a doma gbeen nagodo a ma, a mon yi
sa doxo a funfuni.

A yi e maxodin, a naxa, “N naxan ligaxi
ito ra, e na famunxi ba? E n tan xilima fa
fala ‘Karamoxo’ e nun ‘Marigina.’ Na falan
lanxi amasoto na nan n tan na.


Xa n tan e Marigin nun e karamoxon bata
e sanne maxa, e tan fan xa e bode sanne
maxa. N misaala yitaxi e ra nen, alogo e xa
a liga alo n na a ligaxi kii naxan yi.”



E to maso Yerusalen taan na. Yesu yi a xarandii firin nasiga e yee ra.

A yi a jungu e ma, a naxa, “E siga banxideen na e yee ra. E na na li tun, e sofalidina nde toma nen xidixi, muxe munma doxo naxan fari singen. E a fulun, e fa a ra be. Xa muxuna nde e maxodin fa fala, ‘E na ligama nanfera?’ E a fala a xa, e naxa, ‘Marigin makona a ma,’ na kanna a soma e yii nen mafuren.”

Nanara, xarandine yi siga, e sa sofalidin to xidixi kiraan de banxina nde de ra. E yi a fulunma waxatin naxan yi, muxun naxanye yi tixi na yi, na ndee yi e maxodin, e naxa, “E sofalidini ito fulunma nanfera?” Xarandine yi e yabi alo Yesu a fala e xa kii naxan yi, muxun yi tin e xa siga.



Na waxatini, Yesu yi a kolon fa fala
a fataxi Ala nan na, a mon sigama Ala
nan ma. Nanara, e to yi e degema, a yi keli,
a yi a doma gbeen ba a ma, a dugin xidi
a tagi.

Na xanbi ra, a yi igen sa ige sa seen kui,
a yi folo a xarandiine sanne maxe.
Dugin naxan yi xidixi a tagi, a yi e sanne
masugusugu na ra.



Xarandine yi fa sofalidin na Yesu fɛma,
e yi e domane yifulun sofalidin fari, Yesu yi
dɔxɔ a fari.

Muxu wuyaxi yi e domane yifulun kiraan
xɔn ma, bonne yi jɔxɔndene magira,
e yi e sa kiraan xɔn ma a binya feen na.

Naxanye yi sigama a yɛɛ ra e nun naxanye
yi biraxi a fɔxɔ ra, ne yi lu sɔnxɔɛ, e naxa,
“Ala tantun! Naxan fama Marigin xinli,
Ala xa na baraka! En benba Dawudaa
mangayaan naxan fama, Ala xa na baraka!
Ala tantun kore xɔnna ma pon!”



E yi e dɛgema waxatin naxan yi, Yesu yi burun tongo, a barikan bira Ala xa, a yi a yigira, a yi a so a xarandiine yii. A yi a fala, a naxa, “Ɛ a tongo, ɛ yi a don, n fati bɛndɛn nan ito ra.”


Na xanbi ra, a yi igelengenna tongo, a barikan bira Ala xa, a yi a so e yii, a yi a fala, a naxa, “Ɛ birin xa a min amasɔtɔ n wunla ni ito ra n layirin xidima en tagi naxan xɔn, a minima muxu wuyaxi xa nɛn e yulubin mafeluun na.”

E Yerusalen li waxatin naxan yi, Yesu yi siga Ala Batu Banxini.



Naxanye yi sare matiin nun sare soni mɛnni, a ne kedi fɔɔ. A yi gbeti masarane tabanle rafelen, e nun ganba matine gbɛɛne. A mi yi tinma muxu yo xa goronna radangu Ala Batu Banxin tanden ma.

Yesu yi yamaan xaran, a naxa, “A sɛbɛxi Kitabun kui, Ala naxa, ‘N ma Banxin xili bama nɛn, Ala maxandi banxina siyane birin xa.’ Koni ɛ tan bata a findi muɗadene luxunden na!” (ito sɛbɛxi Esayi 56.7 nun Yeremi 7.11 kui)



Danxutɔne nun lɛbutɛnnɛ yi siga Yesu
fɛma Ala Batu Banxini, a yi e rakendɛya.

Diidine fan yi sɔnxɔma Ala Batu Banxini,
e naxa, “Tantunna xa fi Dawudaa Dii
Xɛmɛn ma.”

Dinan yɛɛratine to a to, e yi xɔɔ.



Ninbanna to so, Yesu nun a xarandii
fu nun firinne yi dɔɔ e dɛgedeni.
E yi e dɛgema waxatin naxan yi,
Yesu naxa, “N xa ɲɔndin fala ε xa, ε tan
nde keden n yanfama nɛn, a yi n so yiini.”

Xarandiine yi sunu han, e yi a maxɔdin fɔɔ
keden keden yɛn ma, e naxa, “Marigina,
n tan nan na ra ba?” Yesu yi e yabi, a
naxa, “Nxu nun naxan nxu yiin nagodoxi
lenge kedenna kui, na nan n soma yiini.”

Yudasi naxan a soma yiini, na yi falan
tongo, a naxa, “Karamɔɔ, n tan nan
na ra ba?” Yesu yi a yabi, a naxa, “I bata
a fala.”



E yi a fala Yesu xa, e naxa, “I mi diidine
falan mɛn ba?” Yesu yi e yabi, a naxa,
“Di! ε mi Kitabun yireni ito xaranxi ba,
naxan a falaxi, ‘I bata diidine nun dii ɲɔrene
yamari, e yi i matɔɔ?’” (ito sɛbɛxi Yaburin 8.3)

Dinan Kuntigine na mɛ waxatin naxan yi,
e yi Yesu faxa fɛrɛn fen fɔɔ. E yi gaxuxi
a yɛɛ ra nun, amasɔɔ yamaan birin bata yi
kabe Yesu a xaranna ma.



Yesu yi Simɔn banxini Betani taani
waxatin naxan yi, a yi a dɛgema, naxanla
nde yi fa, a so banxini. A fa latikɔnɔnna
sare xɔdɛxɛn na a sase gɛmɛ ramaan kui,
gɛmɛn naxan xili “alabasita.”

A yi a sa Yesu xunna ra a binya feen na,
a yi a dɛgema waxatin naxan yi.



Yesu yi Piyeri nun Yoni xe, a yi a jungu e ma, a naxa, “E sa Halagi Tiin Dangu Lɔxɔn Sanla ximenna rafala en xa.”

E yi a maxɔdin, e naxa, “I waxi a xɔn ma, nxu xa a rafala minen yi?”

A yi e yabi, a naxa, “E siga taani, e xemena nde toma nen ige fejen dɔxi a xun ma. E bira a fɔxɔ ra han a na so banxin naxan kui. E yi a fala na banxin kanna xa, e naxa, ‘Karamɔxɔ naxa, a xɔje yigiyaden minen yi, a tan nun a xarandiine Halagi Tiin Dangu Lɔxɔn Sanla donseen donma denaxan yi?’

A banxin yire gbeena nde yitama e ra nen kore banxin kɔe ra, naxan kui yitɔnxi ki fapi. E donseene rafalama menna nin.” E sa seen birin li na yi alo Yesu a fala e xa kii naxan yi. E Halagi Tiin Dangu Lɔxɔn Sanla ximenna rafala menni.

Yesu a xarandiine to na to, e yi xɔɔ, e naxa, “Ito yikalaxi nanfera? A yi sare nen dangu walikɛen jee keden saranna ra, na gbetin yi so yiigelitɔne yii.” E yi jaxanla mafala kati!

Koni Yesu yi a fala, a naxa, “E fata a ma, e a mafalama nanfera? A bata fe fajin naba n tan xa. A nɔe naxan lige, a bata na liga. A bata latikɔnɔnna sa n fatin ma, a yi a yitɔn n maluxun lɔxɔna fe ra benun na waxatin xa a li.

N xa jɔndin fala e xa, n ma falan Kibaru Fajini ito na rali dunupa yire yo yi, jaxanli ito naxan ligaxi, na fan falama nen, yamaan yi e miri a ma.”



© GRN

Buru Tetaren Sanla yi a li, yexex diin faxa
waxatin yi a li Halagi Tiin Dangu Loxon
Sanla fe ra.

(I a kolon, Musaa waxatini, Ala fitina feen
nafa nen Firawona yamaan ma, malekan yi
fa e dii singene birin faxa kɔɛ kedenna ra.

Koni, Isirayila kaane yi saraxa wunla xuya
e banxine dɛ wudine ma, saya malekan yi
dangu e xun ma.

Na feen sanla ni ito ra.

A mato Xɔɔɔyaan 12.1-13 kui.)



Na xanbi ra, Yudasí Isakariyoti yi siga dinan yɛɛratine fɛma.

Yudasí Isakariyoti, Yesu a xarandii fu nun firinna nde nan yi a ra.

Na Yudasí yi siga yɛɛratine fɛma, a naxa, “Xa n Yesu so ɛ yii, ɛ nanse soma n yii?”

Ne yi gbeti gbanan tonge saxan so a yii.

Fɔlɔ na waxatin ma, Yudasí yi fɛrɛn fen fɔlɔ, a xa Yesu yanfa, a a so e yii.

Marigina Ximenna Fe

Matiyu 26.17-30

Maraka 14.12-26

Luka 22.7-23

Yoni 13.1-30

